



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU POLITIČKE ORGANIZACIJE GRAĐANA „SNAGA BOSNE“

Broj: 03-07-6-599/17  
Sarajevo, 24. juli 2018. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE .....	7

## **MIŠLJENJE REVIZORA**

Služba za reviziju finansiranja političkih stranaka je izvršila pregled godišnjeg finansijskog izvještaja Političke organizacije građana „Snaga Bosne“ za 2016. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2016. godinu, utvrđeno je da je Politička organizacija građana „Snaga Bosne“ prekršila odredbe člana 5. stav (4), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje suprotno odredbama člana 15.10 Izbornog zakona Bosne i Hercegovine.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Političke organizacije građana „Snaga Bosne“ za 2016. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Politička organizacija građana „Snaga Bosne“ se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	20,00	1,23
2.	Prilozi fizičkih lica ( 3-a )	1.600,00	98,77
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	0,00	0,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>1.620,00</b>	<b>100,00</b>
<b>II</b>	<b>Ostali prihodi i drugo</b>	<b>0,00</b>	<b>0,00</b>
	<b>Izvori finansiranja (I+II)</b>	<b>1.620,00</b>	<b>100,00</b>

U godišnjem finansijskom izvještaju stranka je iskazala ukupne rashode u iznosu od 1.675,60 KM.

## 2. PREDSTAVLJANJE POLITIČKE STRANKE

Naziv političke stranke: Politička organizacija građana „Snaga Bosne“. Skraćeni naziv je P.O.G „SB“.

Stranka je registrovana kod Općinskog suda u Sarajevu rješenjem broj: 065-0-F1-08-000014 od 04.02.2008. godine. Rješenjem Općinskog suda Sarajevo broj: 065-0-F1-14-000002 od 27.02.2014. godine upisana je promjena sjedišta stranke.

Sjedište stranke je u Ilijašu, ul. Žrtava genocida u Srebrenici bb, Podlugovi.

Prema podacima iz godišnjeg finansijskog izvještaja za 2016. godinu, lica ovlaštena za zastupanje stranke u 2016. godini su: Hajrudin Avdić, v.d. predsjednika u ostavci i Šemso Jusić, sekretar stranke.<sup>1</sup> Lice ovlašteno za podnošenje finansijskih izvještaja stranke za 2016. godinu je Šemso Jusić.

Prema podacima iz godišnjeg finansijskog izvještaja za 2016. godinu, Politička organizacija građana „Snaga Bosne“ nema niže nivoe organizovanja.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Političke organizacije građana „Snaga Bosne“ za 2016. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju

<sup>1</sup> Hajrudin Avdić je poslao obavještenje broj: 01/Pr-2/2015 od 20.12.2015. godine, kojom obavještava da je podnio neopozivu ostavku na mjesto vršioca dužnosti predsjednika stranke.

političkih stranaka i odredbama poglavlja 15. Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

**Obim pregleda i kontrole** finansijskih izvještaja Političke organizacije građana „Snaga Bosne“ obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

U prethodnom periodu od 2008. do 2015. godine, obavljen je pregled godišnjih finansijskih izvještaja stranke, nakon čega su izdati izvještaji o pregledu sa mišljenjem revizora, nalazima i preporukama revizije.

Služba za reviziju izvršila je pregled godišnjeg finansijskog izvještaja Političke organizacije građana „Snaga Bosne“ za 2015. godinu, nakon čega je izdat izvještaj o pregledu sa mišljenjem revizora, nalazima i preporukama stranci da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

##### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2016. godinu, utvrđeno je da Politička organizacija građana „Snaga Bosne“ nije ispoštovala date preporuke.

#### **5. NALAZI I PREPORUKE**

##### **5.1 NALAZI**

##### **a) Politička organizacija građana „Snaga Bosne“ prekršila je odredbe člana 5. stav (4) Zakona o finansiranju političkih stranaka.**

- (1) Pregledom godišnjeg finansijskog izvještaja utvrđeno je da stranka u Završnom računu za 2016. godinu i godišnjem finansijskom izvještaju nije prijavila nenovčanu donaciju fizičkog lica<sup>2</sup> po osnovu korištenja prostorije površine 9 m<sup>2</sup>, bez naknade, čime je prekršila odredbe člana 5. stav (4) Zakona o finansiranju političkih stranaka.

Politička organizacija građana „Snaga Bosne“ je korištenjem poslovnog prostora u vlasništvu fizičkog lica, bez plaćanja zakupnine, primila nenovčanu donaciju, koju je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2016. godinu.

- (2) Stranka je u godišnjem finansijskom izvještaju iskazala priloge fizičkih lica u ukupnom iznosu od 1.600,00 KM. Kontrolom dodatne dokumentacije i izvoda sa transakcijskog računa, utvrđeno je da su prilozima uplaćeni u gotovini, na blagajni stranke, te uplaćeni na transakcijski račun stranke.

Stranka je za primljene priloge izdavala nota račune, ali nije izdavala potvrde propisane članom 6. stav (1) Pravilnika o godišnjim finansijskim izvještajima političkih stranaka, što je suprotno odredbi člana 5. stav (4) Zakona o finansiranju političkih stranaka.

---

<sup>2</sup> Izjava Jusić Šemse od 10.12.2017. godine za besplatno korištenje prostorije.

**b) Politička organizacija građana „Snaga Bosne“ prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.**

- (1) Politička organizacija građana „Snaga Bosne“ nije, u skladu sa odredbama člana 12. stav (4) Zakona o finansiranju političkih stranaka i odredbama člana 3. stav (1) Pravilnika o godišnjim finansijskim izvještajima političkih stranaka, godišnji finansijski izvještaj podnijela u elektronskoj formi putem aplikacije „FI CIK BIH“ koju je razvila Centralna izborna komisija BiH.

Politička stranka je bila dužna da godišnji finansijski izvještaj za 2016. godinu podnese do 31.03.2017. godine u elektronskoj formi, putem aplikacije „FI CIK BIH“ i da Centralnoj izbornoj komisiji BiH dostavi potvrdu o podnesenom finansijskom izvještaju u elektronskoj formi i obrasce finansijskog izvještaja, odštampane iz aplikacije u PDF formatu, ovjerene potpisom ovlaštenog lica i pečatom političke stranke.

Politička organizacija građana „Snaga Bosne“ je dana 31.03.2017. godine Centralnoj izbornoj komisiji BiH dostavila obrasce godišnjeg finansijskog izvještaja za 2016. godinu u pisanoj formi.

Centralna izborna komisija Bosne i Hercegovine je stranci dana 05.05.2017. godine uputila Urgenciju za podnošenje godišnjeg finansijskog izvještaja za 2016. godinu putem aplikacije „FI CIK BIH“, ali stranka nije postupila u skladu sa urgencijom.

- (2) Pregledom godišnjeg finansijskog izvještaja, utvrđeno je da stranka u Završnom računu za 2016. godinu koji je podnijela Finansijsko-informatičkoj agenciji, iskazala manje prihode i rashode po osnovu korištenja poslovnog prostora bez naknade, čime je prekršila računovodstvene propise i odredbe člana 11. stav (1) i 12. stav (1) Zakona o finansiranju političkih stranaka<sup>3</sup>.

Politička organizacija građana „Snaga Bosne“ nije ni u obrascima godišnjeg finansijskog izvještaja iskazala nenovčanu donaciju fizičkog lica po osnovu besplatnog korištenja poslovnog prostora, niti troškove zakupa poslovnog prostora, čime je prekršila odredbe čl. 13., 18., 21. i 22. Pravilnikom o godišnjim finansijskim izvještajima političkih stranaka.

**c) Politička organizacija građana „Snaga Bosne“ prekršila je odredbe člana 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine<sup>4</sup>.**

Uvidom u službene evidencije, utvrđeno je da Politička organizacija građana „Snaga Bosne“ nije dostavila postizborni finansijski izvještaj-Lokalni izbori 2016. godine, čime je prekršila odredbe člana 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

### **Troškovi izborne kampanje**

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM<sup>5</sup> po biraču u svakom izbornom krugu, prema broju birača koje je objavila Centralna izborna komisija BiH.

<sup>3</sup> Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

<sup>4</sup> Politička stranka i nezavisni kandidat koji učestvuju na izborima za organe vlasti Bosne i Hercegovine na svim nivoima dužni su, Centralnoj izbornoj komisiji BiH, u roku od trideset dana od dana objavljivanja izbornih rezultata u Službenom glasniku BiH, podnijeti finansijski izvještaj za period od dana podnošenja prijave za ovjeru za izbore do dana ovjere rezultata izbora (postizborni finansijski izvještaj). U skladu sa odredbom člana 15.1 stav (1) Izbornog zakona BiH, krajnji rok za dostavu postizbornog izvještaja za Lokalne izbore 2016. godine bio je 01.12.2016. godine.

Prema podacima Centralne izborne komisije BiH, Politička organizacija građana „Snaga Bosne“ je u svrhu izborne kampanje mogla da potroši sredstva u iznosu od 6.159,60 KM.

Politička organizacija građana „Snaga Bosne“ je u godišnjem finansijskom izvještaju za 2016. godinu, iskazala troškove propagande u iznosu od 625,00 KM.

## 5.2 PREPORUKE

*Preporučuje se Političkoj organizaciji građana „Snaga Bosne“ da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da vodi evidencije o primljenim priložima i izdaje potvrde u skladu sa članom 6. stav (1) Pravilnika o godišnjim finansijskim izvještajima političkih stranaka,*
- *da poslovne knjige vodi u skladu sa računovodstvenim propisima, odnosno da vodi pravilne evidencije o prihodima, rashodima i obavezama i*
- *da finansijske izvještaje koje podnosi Centralnoj izbornoj komisiji Bosne i Hercegovine dostavlja u skladu sa rokovima propisanim odredbama Zakona o finansiranju političkih stranaka i člana 15.1 stav (1) Izbornog zakona Bosne i Hercegovine i popunjava u skladu sa Pravilnikom o godišnjim finansijskim izvještajima političkih stranaka.*

### **KOMENTAR:**

Politička organizacija građana „Snaga Bosne“ nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godinu.

Šef Odsjeka za revizijske poslove

Sanja Tošović

Pomoćnik revizora

Anela Burdžović Kapić

Šef Službe za reviziju

Mr.sc Hasida Gušić

---

<sup>5</sup> Član 15.10 stav (2) Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.